

Na osnovu člana 8. stav 3. alineja 4. i 8. Zakona o načelima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 2. i 42. Zakona o građenju („Službene novine KSB/SBK“, broj: 10/14), člana 38. tačka 2. u vezi sa tačkom 13. člana 17. Statuta Općine Gornji Vakuf-Uskoplje ("Službeni glasnik Općine Gornji Vakuf-Uskoplje", broj 1/01 i 3/05), člana 89. Poslovnika o radu Općinskog vijeća Gornji Vakuf – Uskoplje („Službeni glasnik Općine Gornji Vakuf-Uskoplje“ broj: 7/13), te člana 29. Zakona o privremenom korištenju javnih površina na području SBK/KSB („Službene novine SBK/KSB“, broj 14/16), Općinsko vijeće Gornji Vakuf – Uskoplje na svojoj sjednici održanoj dana _____2017. godine d o n i j e l o j e

PRIJEDLOG

O D L U K U

o privremenom korištenju javnih površina na području općine Gornji Vakuf-Uskoplje

I- OPĆE ODREDBE

Član 1.

Ovom Odlukom utvrđuju se javne površine koje se mogu privremeno koristiti, njihova namjena, uvjeti i način privremenog korištenja, poslovi prvostepenog upravnog rješavanja iz oblasti komunalnih djelatnosti i urbanizma, način određivanja naknade za korištenje javne površine, nadzor nad provođenjem ove odluke, kao i ostala pitanja značajna za privremeno korištenje javnih površina na području općine Gornji Vakuf-Uskoplje (u daljnjem tekstu: Općine).

Član 2.

Pod privremenim korištenjem javne površine podrazumijeva se pravo postavljanja privremenih objekata na dijelu javne površine na određeno vrijeme, na način koji ne utiče na promjenu karaktera javne površine koja se privremeno koristi.

Član 3.

Javne površine mogu se privremeno koristiti za postavljanje :

1. montažnog objekta tipa kiosk, garaža, pomoćni objekt i sl.
2. samostalnih ugostiteljskih bašči,
3. bašči uz ugostiteljski objekt,
4. slobodnostojećih reklamnih panoa, reklamnih panoa, svjetlećih natpisa,
5. promotivnih humanitarnih štandova,
6. stubova za internetski priključak i antenskih stubova,
7. izložbenih stolova, polica i tezgi ispred trgovačkih i uslužnih objekata,
8. samostalnih pokretnih štandova ili tezgi, rashladni uređaja, žardinijera za cvijeće i sl.
9. zabavnih parkova (lunaparkova) i šatora,
10. rashladnih uređaja za prodaju napitaka i industrijskog sladoleda, aparata za sladoled, aparata za kokice i sl.,
11. klupa za sjedenje, stubića, rampi, betonskih žardanijera i ostalih pokretnih barijera,
12. održavanje kulturnih, zabavnih, sportskih, humanitarnih i ostalih manifestacija i sl.
13. parkinga i prilaznih saobraćajnica,
14. infrastrukturnih objekata,
15. građevinskih fasadnih skela,
16. ostalih specifičnih sadržaja kao i u svrhu osiguranja normalnog prilaza i ulaza u

javne, poslovne i druge objekte (npr. postavljanje rampe za invalidna lica, pomoćnih i glavnih stepeništa, itd.)

Rješenje o privremenom korištenju javne površine može sadržavati i druge elemente u sklopu navedenih namjena, kao što su postavljanje tendi na tlo, žardinijera, suncobrana, korpa za otpatke, jarbola i sl.

Član 4.

Javnom površinom, u smislu ove Odluke, smatraju se površine zemljišta koje su namijenjene općoj upotrebi, a to su:

- javne saobraćajne površine: ulice, ceste, trgovi, javni prolazi, javna stepeništa, mostovi, javna parkirališta, pločnici kao i ostale površine javnog prometa i prometa u mirovanju,
- javne zelene površine: parkovi, drvoredi, posude s ukrasnim biljem, živice i žive ograde, travnjaci, obale rijeka i vodotoka, dječja igrališta, zelene površine uz ceste u naselju, slobodno zemljište uz stambene, stambeno-poslovne i javne objekte, šumski pojasi i sve ostale slične površine,
- autobusna stajališta i slobodno zemljište oko njih, prilazne površine i parking prostor pored benzinskih pumpi ili sl.
- uređene rekreacijske površine, sportska igrališta, te ostali javni sportski objekti i uređaji na njima, kao i prostori povezani s terenima i oko njih;
- otvoreni pijačni i tržni prostori oko prodajnih objekata, prostor oko gradske česme i
- neuređene javne površine i prostori i neizgrađeno građevinsko zemljište koje je izuzeto.

Na javnim površinama između stambenih, stambeno-poslovnih zgrada, garažnih i drugih prostora u cilju nesmetanog prilaza zgradama, poslovnim prostorima i garažama, zbog parkiranja vozila i ostalih nedopuštenih radnji, može se odobriti postavljanje stubića, betonskih vaza, žardinijera i ostalih pokretnih barijera.

Član 5.

Korisnik javne površine može istu koristiti samo u svrhe i na način određen ovom Odlukom a u skladu sa odobrenjem za korištenje javne površine i lokacijskom skicom pribavljenom od Službe za prostorno planiranje, imovinsko pravne poslove i katastar.

Odobrenje za korištenje javne površine sa lokacijskom skicom korisnik je obavezan imati na licu mjesta tokom vremena korištenja javne površine.

Član 6.

Prostor privremenog korištenje javnih površina na području općine Gornji Vakuf-Uskoplje svrstava se u četiri zone koje su definisane u Odluci o građevinskom zemljištu općine Gornji Vakuf-Uskoplje. Kiosci, samostalne ugostiteljske bašče i bašče uz ugostiteljski objekt postavljaju se u centralnom dijelu općine i u centralnom dijelu naseljenog mjesta na osnovu Plana korištenja javnih površina (u daljem tekstu plana) koji je izradila stručna komisija i usvojilo Općinsko vijeće.

Član 7.

(Dodjela lokacija na osnovu plana)

Lokaciju za privremeno korištenje kioska i samostalnih ugostiteljski bašči dodjeljuje Općinska služba za prostorno planiranje, imovinsko pravne poslove i katastar (u daljem tekstu nadležna služba) na osnovu važećeg plana korištenja javnih površina i ugovora uz prethodno javno oglašavanje.

Zakupni odnos zasniva se sa najpovoljnijim ponuđačem prema provedenom oglasu ili neposrednom pogodbom na period do tri godine uz mogućnost produžavanja. Bašče uz ugostiteljski objekt ne podliježu proceduri javnog oglašavanja. Odobrenje za privremeno korištenje javne površine izdaje nadležna služba na osnovu važećeg plana a na zahtjev vlasnika ugostiteljskog objekta za period do jedne godine uz mogućnost produžavanja.

Član 8.

Privremeno korištenje javne površine izvan područja obuhvaćenog planom a u skladu sa prostornim mogućnostima, odobrava služba na osnovu ugovora o zakupu.

Slobodnostojeći reklamni panoi postavljaju se u cestovnom pojasu i u zaštitnom cestovno pojasu javnih cesta na način i prema uvjetima određenim federalnim propisima o cestama.

Član 9.

Pravo na privremeno korištenje javnih površina u smislu ove Odluke imaju pravna lica registrovane za obavljanje djelatnosti za koju se traži korištenje javne površine i fizička lica koje imaju odobrenje za obavljanje djelatnosti, kao i vlasnici stambenih i stambeno-poslovnih objekata te garažnih i ostalih prostora..

Član 10.

(Odobrenje za privremeno korištenje javne površine)

Zahtjev za izdavanje odobrenja za korištenje javne površine sadrži:

- ime i prezime lica, naziv radnje i djelatnosti te adresu podnosioca zahtjeva,
- opis lokacije javne površine koju želi koristiti sa dimenzijama tj. površinom u m²,
- opis djelatnosti koja će se obavljati na javnoj površini,
- vremenski period korištenja javne površine,
- način korištenja javne površine, te popis montažnih elemenata koje namjerava postaviti.

Uz zahtjev je potrebno priložiti:

- kopiju rješenja nadležnog organa za obavljanje djelatnosti za koju se traži korištenje javne površine, odnosno kopiju akta o registraciji za pravne osobe,
- dokaz o uplati administrativne takse,
- kopiju odobrenja za građenje (za slučajeve iz člana 4. stavak 1. točka 14. 15. 16 i 17 ove Odluke).
- kopiju katastarskog plana predmetne javne površine.

Zahtjev za privremeno korištenje javne površine na osnovu plana podnosi se Službi za prostorno planiranje, imovinsko pravne poslove i katastar.

Odobrenje za korištenje javne površine se izdaje na zahtjev korisnika a sastavni dio odobrenja je lokacijska skica sa precizno definisanom površinom i pokretnim inventarom koji će biti instaliran na istoj. Nadležna služba dužna je u skladu sa izdanim odobrenjem i lokacijskom skicom markirati-obilježiti odobreni prostor korištenja.

Niko ne može početi koristiti javnu površinu bez prethodno pribavljenog odobrenja za korištenje

Rješenje o odobrenju za privremeno korištenje javne površine ne može se izdati prije nego što podnosilac zahtjeva predoči dokaz o izvršenoj uplati ukupne naknade za tekuću kalendarsku godinu, odnosno za period koji je definisan u odobrenju ako se radi o kraćem periodu.

Član 11.

Privremeno korištenje javne površine za javni parking-prostor na neizgrađenom građevinskom zemljištu odobrava služba izdavanjem odobrenja i dozvole na period do tri godine

Član 12.

(Komunalno odobrenje)

Privremeno korištenje javne površine za postavljanje promotivnih i humanitarnih štandova, izložbenih stolova, polica i tezgi ispred trgovačke radnje, samostalnih pokretnih štandova i tezgi povodom pojedinih praznika, za promet robe na malo kao što su čestitke, razglednice, prskalice, cvijeće, ukrasi za novogodišnje i druge praznike i posebne prilike, ulaznice za sportske, kulturne, humanitarne i druge manifestacije, za postavljanje rashladnih uređaja, žardinijera za cvijeće, zabavnih parkova (lunaparkova) i šatora, klupa za sjedenje te ostalih specifičnih sadržaja, za postavljanje stubića, rampi betonskih žardinijera i drugih pokretnih barijera radi lakšeg usmjerenog i nesmetanog prilaska ili onemogućavanja prilaska, te ostalih sličnih sadržaja, rješenjem odobrava nadležna služba ako postoje prostorne mogućnosti i ako se ne ometaju pješački i saobraćajni tokovi.

Na zahtjev potencijalnog korisnika komunalno odobrenje vezano za ovaj član donosi se u skraćenom postupku.

Član 13.

Komunalno odobrenje za deponovanje, istovar i utovar građevinskog materijala, kao i za postavljanje fasadne skele na javnoj površini donosi se na osnovu priloženog pravosnažnog odobrenja za građenje ili odobrenja za izvođenje drugih radova.

Nadležna služba može izdati komunalno odobrenje za privremeno korištenje javne površine. ako se izvode građevinsko zanatski radovi za koje nije potrebno pribavljanje odobrenja za građenje.

II – USLOVI ZA PRIVREMENO KORIŠTENJE JAVNIH POVRŠINA

Član 14.

Služba će odobriti privremeno korištenje javne površine ako su ispunjeni sljedeći uvjeti:

- ako je lokacija u zoni obuhvata koju definira plan korištenja,
- ako lokacija nije u koliziji sa uslovima iz ove odluke,
- ako sklopljen ugovor o korištenju na osnovu plana,
- ako je dostavljena dokumentacija kompletna,
- ako podnositelj zahtjeva nema dugovanja prema općini, po bilo kojem osnovu za protekli perioda,
- ako korištenje javne površine ne ometa sigurnost odvijanja saobraćaja i pješačkog prometa, tj. na jednoj strani ulice tog dijela saobraćajnice mora biti slobodan trotoar minimalne širine 1,50m.
- ako se ne ometa pristup okolnim objektima, podzemnim i drugim instalacijama,
- ako je korisnik izmiri sve obaveze iz predmetnog odobrenja.

Na kolovozu saobraćajnice preko koje se odvija saobraćaj ne može se odobriti korištenje javne površine.

Član 15.

Kod privremenog korištenja javne površine iz člana 13. ove odluke, komunalnim odobrenjem se utvrđuje obveza korisnika da javnu površinu ogradi i označi propisanim oznakama, da ne ometa odvijanje prometa, te da privremeno zauzetu površinu održava u čistom stanju.

Materijal privremeno smješten na javnu površinu mora biti uredno složen tako da ne sprečava oticanje atmosferskih voda.

Za sva eventualna oštećenja okolnih i infrastrukturnih objekata pri korištenju javne površine odgovoran je korisnik.

Član 16.

Korisnici javnih površina su dužni u svemu se pridržavati uvjeta određenih u rješenju o privremenom korištenju javne površine. U slučaju prestanka obavljanja naznačene djelatnosti u rješenju, kao i po proteku vremenskog perioda određenog u rješenju o privremenom korištenju javne površine, privremeni korisnik javne površine dužan je privremeni objekt ukloniti i zauzetu javnu površinu dovesti u prvobitno stanje u roku od sedam dana od dana prestanka rada, odnosno isteka roka.

Član 17.

U slučaju potrebe uređenja javne površine ili kada nalaže javni interes, korisnici javnih površina dužni su na prijedlog nadležne službe ukloniti objekte i sadržaje postavljene na javnoj površini i prije isteka roka utvrđenog u rješenju a sve o vlastitom trošku.

Rješenje o prijevremenom uklanjanju predmetnog objekta donosi služba koja je i izdala odobrenje.

Član 18.

Ukoliko korisnik javne površine uredno izmiruje obveze nastale po osnovu privremenog korištenja javne površine, a istu želi koristiti i nakon isteka roka naznačenog u rješenju, dužan je 7 (sedam) dana prije isteka roka službi dostaviti zahtjev za produženje roka privremenog korištenja javne površine.

Član 19.

Pravo privremenog korištenja javne površine prestaje istekom roka utvrđenog u rješenju.

Pravo privremenog korištenja javne površine može prestati i prije isteka roka utvrđenog u rješenju o privremenom korištenju javne površine u slučaju:

- ako korisnik ne koristi javnu površinu na način i u svrhe kako je određeno ovom odlukom i rješenjem o privremenom korištenju javne površine,
- ako korisnik koristi veću površinu od odobrene rješenjem,
- ako na javnoj površini čije je privremeno korištenje odobreno rješenjem, djelatnost obavlja osoba čije ime nije navedeno u rješenju,
- ako korisnik bude 3 (tri) ili više puta u toku kalendarske godine kažnjavan za prekršaj zbog nepridržavanja ove Odluke ili drugih važećih propisa iz ove oblasti,
- ako se utvrdi, da je korisniku javne površine pravosnažnom odlukom nadležnog organa zabranjeno obavljanje gospodarske djelatnosti navedene u rješenju o privremenom korištenju javne površine.

Prestanak prava privremenog korištenja javne površine utvrđuje rješenjem služba koja je izdala odobrenje.

Član 20.
(Ograničenja i zabrane)

Planom korištenja javnih površina ne smije se predvidjeti korištenje javne površine za postavljanje slobodnostojećih reklamnih panoa i slobodnostojećih displeja na udaljenosti manjoj od 50.m. od objekata kulturne baštine (spomenika, grupnih zdanja, znamenitoga mjesta), izuzev oznaka i natpisa koji govore o tom objektu.

Postojeći sadržaji postavljeni suprotno odredbama stava 1. ovog člana uklonit će se preko komunalne inspekcije u roku od 90. dana od dana stupanja na snagu ove odluke.

III – NAKNADA ZA PRIVREMENO KORIŠTENJE JAVNE POVRŠINE

Član 21.

Za privremeno korištenje javne površine korisnik je dužan plaćati naknadu koja se uplaćuje u proračun općine. Prikupljena sredstva naknade koriste se za prihod budžeta.

Odobrenje i dokaz o uplaćenju naknadi za privremeno korištenje javne površine korisnik treba imati kod sebe cijelo vrijeme korištenja javne površine.

Član 22.

U slučaju da korisnik na bilo koji način zloupotrebljava korištenje javne površine gubi pravo korištenja, a nadležni inspektor će po hitnom postupku donijeti rješenje o uklanjanju predmetnog objekta sa javne površine o trošku korisnika.

Član 23.

Mjesečna minimalna naknada za postavljanje montažnog objekta tipa kioska (poslovnog prostora) i sl. plaća se u iznosu od:

- I zona: 6,00 KM /m²
- II zona: 3,00 KM /m²
- III zona: 2,00 KM /m²
- IV zona 1,00 KM /m²

Mjesečna naknada za postavljanje montažnog tipskog objekta garaže, plaća se u iznosu od :

- I zona: 1,50 KM /m²
- II zona: 1,20KM /m²
- III zona: 0,80 KM /m²
- IV zona 0,50 KM /m²

Mjesečna naknada za postavljanje montažnog tipskog objekta - drvarnice, plaća se u iznosu od :

- I zona: 0,60 KM /m²
- II zona: 0,50KM /m²
- III zona: 0,30 KM /m²
- IV zona 0,20 KM /m²

Na javnoj površini pored zgrade kolektivnog stanovanja u kojoj nema podruma ili su podrumske prostorije površine manje od 5 m², može se odobriti besplatno postavljanje jedne montažne drvarnice površine do 5 m² za svaki stan.

Član 24.

Dnevna naknada za postavljanje ljetnih ugostiteljskih bašči (stolova i stolica) ispred ugostiteljskih objekata, za postavljanje prodajno - izložbenog stola ispred trgovačkih i uslužnih objekata, postavljanje pomoćnog stola radi obavljanja prodaje izvan prodavaonice, postavljanje prodajnog stola za prazničnu prodaju robe (čestitke, suveniri, ukrasni predmeti i sl.), postavljanje rashladnih uređaja za prodaju napitaka i industrijskog sladoleda, aparata za sladoled, aparata za kokice i sl iznosi:

- I zona: 0,15 KM/m² na dan,
- II zona: 0,10 KM/m².na dan,
- III zona: 0,06 KM/m².na dan,
- IV zona: 0,03 KM/m² na dan,

Obračunski period za korištenje javne površine u svrhu sezonskih ljetnih ugostiteljskih terasa otvorenog tipa traje od 01.05. do 15.09. tj. 135 dana, te se za te dane plaća naknada.

Korisnici koji javnu površinu koriste ili je zauzeta tokom cijele godine na bilo koji način plaćaju navedenu naknadu za svih 365 dana.

Član 25.

Mjesečna naknada za korištenje javne površine u svrhu postavljanja reklamnih panoa sa vlastitom konstrukcijom koja ima temelj, iznosi:

- I zona: reklamna konstrukcija – pano: 15,00 KM/m² - svjetleći natpis: 30,00 KM/m²,
- II zona: reklamna konstrukcija – pano: 10,00 KM/m² - svjetleći natpis: 20,00 KM/m².
- III zona: reklamna konstrukcija – pano: 5,00 KM/m² - svjetleći natpis: 10,00 KM/m²
- IV zona: reklamna konstrukcija – pano: 2,50 KM/m² - svjetleći natpis: 5,00 KM/m²,

Za postavljanje dvostranih natpisa ova naknada se uvećava za 20% u odnosu na iznos naknade za postavljanje jednostranih natpisa.

Mjesečna naknada za korištenje javne površine u svrhu postavljanja reklamnih i obavještajnih tabla sa nosivom konstrukcijom na postojećim stubovima ulične rasvjete i sl. iznosi:

- I zona: reklamna tabla: 8,00 KM/m²
- II zona: reklamna tabla: 6,00 KM/m²
- III zona: reklamna tabla: 4,00 KM/m²
- IV zona: reklamna tabla: 2,00 KM/m²

Član 26.

Dnevna naknada za postavljanje objekata za izvođenje zabavnih programa (cirkuski šatori, zabavni park, aparati i uređaji za zabavu i sl.) iznosi :

- I zona: 1,00 KM/m² na dan,
- II zona: 0,60 KM/m².na dan,
- III zona: 0,40 KM/m².na dan,
- IV zona: 0,20 KM/m² na dan.

Član 27.

Mjesečna naknada za privremeno zauzimanje javne površine u svrhu korištenja prilazne saobraćajnice, poligona za obuku vozača, parkinga ispred poslovnog prostora, postavljanja građevinske skele uz objekt koji graniči sa javnom površinom, za postavljanje stepeništa i rampe

za invalidna lica, te za svako korištenje u svrhu osiguranja prilaza i ulaza u objekt, plaća se u iznosu od:

- I zona: 1,00 KM/m²,
- II zona: 0,60 KM/m²,
- III zona: 0,40 KM/m²,
- IV zona: 0,20 KM/m²,

Član 28.

Dnevna naknada za zauzimanje javne površine za prigodne manifestacije, prezentacije, predizborne skupove, protestne skupove i sl. plaća se u svim zonama 50 KM.

VI – NADZOR

Član 29.

Nadležna služba vodi evidenciju korisnika javnih površina za tekuću godinu na način da se u registar korisnika javnih površina unose podaci: naziv korisnika, adresa korisnika, lokacija, broj rješenja, period korištenja, djelatnost, vrsta objekta, površina, zona, visina i datum uplate naknade.

Član 30.

Inspekcijski nadzor nad provedbom ove odluke vrši urbanističko-građevinski inspektor izuzev za sadržaje za koje se izdaje komunalno odobrenje tada inspekcijski nadzor vrši komunalni inspektor.

Prilikom obavljanja nadzora, organ nadzora ima pravo i dužnost da od korisnika javne površine zatraži na uvid rješenje o privremenom korištenju javne površine i dokaz o uplaćenju naknadi za privremeno korištenje javne površine.

Ako korisnik javne površine organu nadzora ne stavi na uvid tražene isprave organ nadzora će zapisnički konstatirati utvrđene činjenice, usmeno naložiti zabranu privremenog korištenja javne površine i korisniku u roku od tri dana dostaviti pismeno rješenje o zabrani privremenog korištenja javne površine.

Član 31.

Za objekte koji se nalaze na javnim površinama bez rješenja nadležne službe o privremenom korištenju javne površine, nadležni inspektor će pismenim rješenjem naložiti prestanak korištenja javne površine i dovođenje javne površine u stanje prije početka korištenja, u roku od sedam dana od dana izvršenja nadzora.

Ako korisnik javne površine ne postupi po rješenju iz prethodnog stavka, organ nadzora odrediti će da se potrebne radnje izvrše putem trećeg lica na teret korisnika koji je prouzrokovao troškove.

Član 32.

Protiv upravnog akta općinskog inspektora može se podnijeti žalba, u roku od 8. dana od dana prijema, koju u drugom stepenu rješava općinska drugostepena stručno-upravna komisija.

Žalba protiv rješenja inspektora ne odlaže izvršenje rješenja.

V - POSTOJEĆI PRIVREMENI MONTAŽNI OBJEKTI

Član 33.

Postojeći privremeni montažni objekti i privremena građevina za koje je izdano rješenje za privremeno korištenje javne površine zadržavaju se a nadležna služba je dužna sve korisnike pismeno obavijestiti i uputiti ih na pribavljanje novog odobrenja za privremeno korištenje javne površine po isteku vremena za koju su izmirili svoje obaveze korištenja javne površine.

Korisnici javne površine, postojećih privremenih montažnih objekata i privremenih građevina koji nemaju rješenje o privremenom korištenju javne površine ili ne ispunjavaju uslove za dobivanje rješenja o korištenju javne površine po ovoj odluci, dužni su osloboditi javnu površinu odnosno ukloniti objekt u roku koji će definisati nadležni inspektor svojim rješenjem.

VI - KAZNE NE ODREDBE

Član 34.

Novčanom kaznom u iznosu od 2.000,00 do 5.000,00 KM kaznit će se za prekršaj pravno lice ili imalac radnje ako:

1. ako koristi javnu površinu bez pribavljenog odobrenja nadležne službe,
2. ako kao izvođač radova, privremeno zauzetu javnu površinu ne ogradi i ne označi propisanim znacima, ako ometa odvijanje saobraćaja, ošteti zgrade, ulice i pločnik, kao i ako građevinski materijal ne složi i ne drži uredno te ne osigura normalno oticanje oborinskih voda.
3. ako, kao korisnik javne površine ne održava javnu površinu u urednom stanju te ako nakon isteka roka iz odobrenja javnu površinu ne dovede u prvobitno stanje i ako, u slučaju potrebe ili ako to nalaže javni interes, ne ukloni sadržaje postavljene na javnu površinu i prije isteka utvrđenog roka.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 1.000,00 do 2.000,00KM.

Član 35.

Novčanom kaznom u iznosu od 1.000,00 do 3.000,00KM. kaznit će se za prekršaj fizičko lice:

1. ako koristi javnu površinu bez pribavljenog odobrenja nadležne službe,
2. ako kao izvođač radova, privremeno zauzetu javnu površinu ne ogradi i ne označi propisanim znacima, ako ometa odvijanje saobraćaja, ošteti zgrade, ulice i pločnik, kao i ako građevinski materijal ne složi i ne drži uredno te ne osigura normalno oticanje oborinskih voda.
3. ako, kao korisnik javne površine ne održava javnu površinu u urednom stanju te ako nakon isteka roka iz odobrenja javnu površinu ne dovede u prvobitno stanje i ako, u slučaju potrebe ili ako to nalaže javni interes, ne ukloni sadržaje postavljene na javnu površinu i prije isteka utvrđenog roka.

Član 36.

Novčanom kaznom u iznosu od 1.000,00 do 3.000,00 KM. kaznit će se za prekršaj odgovorno lice u općinskoj službi :

1. ako za slobodnostojeći reklamni pano izda odobrenje za privremeno korištenje javne površine na pješačkoj saobraćajnici, trgu i pločnicima koji se nalaze u cestovnom pojasu i zaštitnom cestovnom pojasu javnih cesta, suprotno uvjetima određenim federalnim propisima o cestama.

2. ako odobri izvođenje radova na javnoj površini u svrhu postavljanja kioska, samostalne ugostiteljske bašče, bašče uz ugostiteljski objekt, javne telefonske govornice i za javni parking-prostor u centralnom dijelu općine suprotno važećem planu.
3. ako izda komunalno odobrenje i odobri privremeno korištenje javne površine suprotno članu 12, 13. i

VII - PRIJELAZNE I ZAVRŠNE ODREDBE

Član 37.

Rješenja o privremenom korištenju javne površine izdana do stupanja na snagu ove Odluke, ostaju na snazi do isteka roka utvrđenog u rješenju.

Ako je do stupanja na snagu ove Odluke podnesen zahtjev za privremeno korištenje javne površine za narednu kalendarsku godinu, a po istom nije doneseno prvostepeno rješenje, postupak će se nastaviti po odredbama ove Odluke.

Član 38.

Stupanjem na snagu Zakona o privremenom korištenju javnih površina na području SBK/KSB („Sl. novine SBK/KSB“, broj 14/16) dana 01.01.2017.g. dosadašnja odluka je stavljene van snage.

Član 39.

Ova Odluka stupa na snagu osmog dana od dana objavljivanja u „Službenom glasniku Općine Gornji Vakuf-Uskoplje“.

Broj: /17
Gornji Vakuf – Uskoplje,
_____2017.godine

Predsjednik Općinskog vijeća
Goran Batinić, mag. nov

Obrazloženje:

PRAVNI OSNOV:

Na osnovu člana 8. stav 3. alineja 4. i 8. Zakona o načelima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 2. i 42. Zakona o građenju („Službene novine KSB/SBK”, broj: 10/14), člana 38. tačka 2. u vezi sa tačkom 13. člana 17. Statuta Općine Gornji Vakuf-Uskoplje ("Službeni glasnik Općine Gornji Vakuf-Uskoplje", broj 1/01 i 3/05), člana 89. Poslovnika o radu Općinskog vijeće Gornji Vakuf – Uskoplje („Sl. glasnik Općine Gornji Vakuf-Uskoplje" broj: 7/13), te člana 29. Zakona o privremenom korištenju javnih površina na području SBK/KSB („Sl. novine SBK/KSB”, broj 14/16).

RAZLOZI ZA DONOŠENJE:

Sadašnja važeća Odluka o privremenom korištenju javnih površina na području općine Gornji Vakuf-Uskoplje donesena je 28.05.2014.g. («Službeni glasnik općine Gornji Vakuf - Uskoplje, broj 4/14), te je ista stavljena Van snage zbog donošenja Zakona o privremenom korištenju javnih površina na području SBK/KSB („Službene novine SBK/KSB”, broj 14/16) koji je stupio na snagu dana 01.01.2017.g.

Zakonom o privremenom korištenju javnih površina na području SBK/KSB je propisano da su sve općine dužne u roku 90. dana uskladiti svoje propise iz ove oblasti. Shodno tome Općina Gornji Vakuf – Uskoplje je krenula u realizaciju zakonskih odredbi, tačnije formirana je stručna Komisija za izradu plana korištenja javnih površina od strane općinskog vijeća koja je izradila prijedlog plana a na prijedlog općinskog načelnika isti plan je uz određene korekcije usvojen na prošloj sjednici općinskog vijeća. Uvidom u prijedlog odluke o korištenju javnih površina na području općine Gornji Vakuf – Uskoplje vidljivo je da je novi Zakon uveo par novih instituta, kao i da su kaznene odredbe značajno pooštrene u cilju preventivnog djelovanja protiv lica koji neovlašteno zauzimaju javne površine a isti Zakon nije ulazio u određivanje cijena i taj dio je ostavio svakoj lokalnoj zajednici da iste formira. Stava smo da su već formirane cijene dosta funkcionalne i u ovoj Odluci su uz male izmjene zadržane, a imajući u vidu da su korisnici javnih površina zadovoljni nismo imali potrebu za značajnijim izmjenama.